

# ANAGRAM: **KRUIDENIERSWARE**

## 1. Inleiding

**Internasionale Voedseldag** word jaarliks in die tweede week van Oktober gevier om die noodsaaklikheid van gesonde voedsel, higiëniese voedselvoorbereiding en voedingstowwe in die menslike metabolisme onder die aandag van die publiek te bring. Te midde van die koronaviruspandemie val die fokus vanjaar opnuut op voedselsekerheid en die belangrike rol wat kosproduseerders en kosbemarking speel.

Voedselsekuriteit bestaan uit vier dimensies, naamlik: die beskikbaarheid van voedsel, toegang, verbruik en volhoubaarheid, en het gevolglik 'n impak op vier vlakke, naamlik: globaal, nasionaal, huishoudelik en individueel.

**KRUIDENIERSWARE** (as deel van Voedseldag) is die basiese woord wat ons hierdie week in die anagramblokkiesraaisel gebruik, met al die ander woorde (letterkeer/wisselwoorde) wat met hierdie letters gevorm kan word.

## 2. Definisie (omskrywing)

'n *Anagram* of *letterkeer* is 'n woord of woorde wat uit die letters van 'n ander woord of woorde gevorm is òf deur die volgorde van die letters in die woord(e) om te keer. Dit word ook soms 'n *wisselwoord* genoem. (Hieronder (by punt 4) is voorbeelde.).

## 3. Gebruike van anagramme

- Om (die letters van 'n teks) in 'n geheime boodskap te vorm deur dit te herrangskik.
- Om (die letters van 'n teks) te herrangskik om 'n geheime boodskap te ontdek.
- Die opmaak van anagramme is 'n gewilde woordspeletjie waarin die spelers woorde bou deur letters om te skakel en dikwels by te voeg.
- Anagramme word ook dikwels as 'n pseudoniem (skuilnaam) gebruik.
- Die rederykers (lede van 'n diggenootskap in Nederland) het graag 'n anagram van hul naam as sinspreuk gebruik.

## 4. Voorbeelde

- a) In ons **letterkeer (anagram) van die week** is die hoofwoord **KRUIDENIERSWARE** – daaruit is o.a. die volgende woorde (uit geskommelde letters) moontlik:
- ✓ NIERE
  - ✓ KRUIE
  - ✓ REIS
  - ✓ SIER
- b) Gegewe 'n woord soos *TEGNIKUS* is die volgende anagramme moontlik:
- SUIGTENK
  - GIETKUNS
  - KUNSTIGE
- c) Woorde wat anagramme vorm, kan heeltemal verskillende betekenis hê, maar wel verwant wees wanneer woorddele bloot omgeruil word, byvoorbeeld:
- *BLOMTUIN* – TUINBLOM

